

Gieus olimpics sco motor per il sport da massa e da giuvenens atlets talentads

■ Il sport en Svizra vegn a profitar a moda durabla d'ina candidatura olimpica e d'ina realisaziun da Gieus olimpics d'enviern 2022 perquai ch'il sport d'elita serva da motor per il sport da massa, da giuvenens atlets talentads e da persunas cun impediments e per lur finanziaziun. Quest'opiniun han fatg valair experts da sport e trenaders a l'ocasiun d'in discurs cun las medias a Tavau. Gieus olimpics en l'agen pajais effectueschan regularmain in augment marcant da las prestaziuns da l'elita e motiveschan qua tras giuvenils da far sport. Gia ina candidatura per gieus olimpics e pir da dretg la realisaziun da quels avessan effects fitg positivs e durabels sin l'entir sport en Svizra. Quest'opiniun fan valair unanimamain federaziuns ed experts da sport, trenaders ed atlets. Uschia effectuas gja ina candidatura ina retscha da mesiras concretas tras l'Uffizi federal da sport (UF-SPO) ed il process per la persistenza, innovaziun ed ierta (PII) da Grischnun 2022. Da quai profitassan ultra dal sport d'elita er il sport da massa, da giuvenens atlets talentads e da persunas cun impediments.

La publicitad en connex cun ina candidatura u ina realisaziun da gieus olimpics garantiss al sport en Svizra en general dapli preschientscha en las medias ed en il mintgadi. Interpresas senza engaschaments actuals en il sport sa deditgasan al sport ed investissan en quel – tranter auter tras sponsuradi. A l'ocasiun d'in discurs cun las medias a Tavau han suttastritgà mesemna passada quatter ex-



Victur olympic Gian Simmen, la passlungista Jasmin Nunige ed il trenader da hockey Arno del Curto, da sanester, han referi davart gieus olimpics e lur effect per il sport da massa e da giuvenens atlets talentads.

KEYSTONE

perts e trenaders l'imputanza d'ina candidatura olimpica per il sport svizzer e cun quai per la giuventetgna en Svizra.

«Gieus olimpics schendran exempels per giuvenens umans», ha ditg *Gian Simmen*, campiu olympic da snowboard. 15 onns suenter ses triumf en la mesapipa a Nagano è l'expert da marketing dal Grischnun restà collià sco trenader cun il sport da snowboard. «Jau hai scuntrà persunalmain dunsains, gea tschients

d'atlets da temp liber, da giuvenens atlets talentads u d'atlets d'elita ch'èn sa laschads motivar a ses temp sco uffants tras mia victoria dad ir cun snowboard. Sche nus survegnissan la schanza da realisar gieus olimpics en l'agen pajais fiss quest effect da motivaziun tant pli grond. Nus duessan necessariamain nizzegiar quella schanza.»

L'uschenumnà «host nation effect» ha descrit *Gian Gilli*, directur da Grischnun

2022 e directur da sport da Swiss Olympic. «L'istorgia dals gieus olimpics mussa a moda impressiunanta ch'il sport e ses svilup han profità en ils pajais ospitants massivamain da gieus olimpics.» Gilli ha cumprovà cun bilantschas da prestaziuns da differents pajais che han organisà gieus olimpics co che quels han pudì augmentar las prestaziuns da lur atlets. «Cun il sport d'elita profita er il sport da massa, da scola e da persunas cun impe-

diments. Ils clubs da sport gudognan commembers ed adina dapliras persunas sa partipeschan ad occurrenz da sport da massa che mantegnan il nivel pli aut sur plirs onns», intuna Gilli.

«Tuts pon profitar. La forza dal project da gieus olimpics pussibilitescha in'avischinaziun interdisciplinara ed ina colliaziun tranter sportists, federaziuns, organisaturs, instituziuns publicas e privatas e medias.»

«Il sport è ina scola per la vita»

Il fatg che gieus olimpics effectueschan bler er a la basa ed en il sport da massa ha confermà *Urs Winkler*, rector dal gimnasi da sport a Tavau. «Il sport da massa en Svizra po vegnir finanzia surtut sur il sport d'elita, perquai vegn el a profitar a lung termin fermamain da gieus olimpics en Svizra.» Il sport na saja betg mo in'occupaziun da temp liber u in luxus per pajais ritgs, ha intunà Winkler. «En il sport emprendan giuvenils a s'orientar a las meglras prestaziuns ed a valurs sco la fairness, l'egalitad, l'amicizia ed il respect.»

«Il sport è ina scola per la vita», ha confermà er *Arno Del Curto*. Tras la scola da Del Curto, che trenescha dapli blers onns il Club da hockey da Tavau, èn ids tschients da giuvenens hockeyans talentads. «Tgi che cuntanscha en il sport las prestaziuns da ses idols po profitar er pli tard en la vita. Gieus olimpics en Svizra vegnan a motivar uffants e giuvenils a far sport ed a cumbatter per lur success.»

Uniu XXIV. Gieus olimpics d'enviern Grischnun 2022

Christian Gartmann, pledader da medias